

Sah selesema burung

Harian Metro 10/3/2017

■ JPV Kelantan ambil langkah kawal wabak

Misteri kematian 15 ayam kampung di Kampung Pulau Tebu, Batu 5, Tunjong, di sini, terjawab apabila disahkan positif wabak selesema burung (H5N1).

Pengerusi Jawatankuasa Pertanian, Industri Asas Tani, Bioteknologi dan Teknologi Hijau negeri Datuk Che Abdullah Mat Nawi berkata, tiga kes dilaporkan berhubung H5N1 di kampung itu. Beliau berkata, Jabatan Perkhidmatan Veterinar (JPV) negeri mengambil beberapa langkah mengawal wabak itu daripada terus merebak.

“Kerajaan negeri juga mengambil langkah menubuhkan Jawatankuasa Bertindak Kawalan Penyakit Haiwan negeri Kelantan bagi mengendalikan kes wabak H5N1 itu bermula hari ini (semalam).

“Jawatankuasa itu dipeliharakan kepada beberapa unit bagi mengendalikan perkara berhubung kes itu



CHE Abdullah berbincang dengan Nurul Huda, semalam.

termasuk dari segi kawalan, pampasan dan pelupusan.

“Rakyat tidak perlu panik kerana semua pihak yang berkaitan sudah mengambil langkah pengawalan dan mereka diminta memberikan kerjasama dalam kerja

pengawalan dan pemeriksaan yang turut membabitkan pelbagai pihak termasuk polis, pihak berkuasa tempatan (PBT) dan pemimpin masyarakat,” katanya selepas mengadakan pertemuan dengan Pegawai

Veterinar negeri, Nurul Huda Zairi di sini, semalam.

Harian Metro pada 7 Mac lalu melaporkan, JPV Kelantan meminta orang ramai tidak panik berhubung dak-

waan berlaku penyebaran wabak selesema burung.

Pengarahnya Dr Surata Kamarudin dipetik berkat sampel organ ayam dihantar ke Institut Penyelidikan Veterinar di Ipoh, Perak untuk pengesahan sebenar penyakit ayam menjangkiti ayam terabit.

Sementara itu, Nurul Huda berkata, 170 unggas dan 100 telur dilupuskan Jabatan Veterinar di kampung berkenaan sebagai langkah membasmi penularan H5N1 itu.

“Kami masih menjalankan kajian bagi mengenalpasti punca penularan wabak berkenaan dengan mengambil sampel unggas sekitar satu kilometer di kampung terabit.

“Setakat ini jangkitan wabak itu dikesan pada ayam kampung dan tidak membabitkan ayam komersial,” katanya.

FAKTA
170 unggas, 100 telur dilupuskan di Kampung Pulau Tebu